

ZAPISNIK

sa 12. sastanka Privrednog savjeta Grada Zenica

održanog 18. jula 2018. god. u maloj sali Grada Zenica (II sprat), Trg BiH br. 6., Zenica, s početkom u 14,00 sati

Sastanku su prisustvovali: predsjedavajući Privrednog savjeta, gradonačelnik Fuad Kasumović; Amra Mehmedić, šefica Odsjeka za lokalni ekonomski razvoj; Sabira Helvida, pomoćnica gradonačelnika u Službi za ekologiju, komunalne i inspeksijske poslove; Semira Karić, pomoćnica gradonačelnika u Službi za urbanizam, imovinsko-pravne, geodetske poslove i katastar nekretnina; Mirsad Heleg, savjetnik Gradonačelnika za prostorno uređenje; Senad Pašalić, direktor Zeničke razvojne agencije ZEDA d.o.o. Zenica; Damir Begić, Almy d.o.o. Zenica; Senaida Turkić, Aksa d.o.o. Zenica/Udruženje poslodavaca Zenica; Mladen Perić, Pero d.o.o. Zenica/Udruženje poslodavaca Zenica; Jasmin Baručija, direktor Glovis d.o.o. Zenica; Vukica Marjanović-Suljić, Forum građana Zenice; Edin Šarić, Savez izviđača grada Zenica; Benjamina Šaranović, Udruženje poslodavaca Zenica; Fahrudin Šahmanija, Femetall d.o.o. Zenica; Senad Džanić, Club 072-Zenica; Jusuf Brkić, Stručni saradnik za statistiku i analizu - Odsjek za lokalni i ekonomski razvoj;

Sastanku nisu prisustvovali: Jusuf Kravić, Ze-Steel d.o.o. Zenica; Biju Nair, Generalni direktor, ArcelorMittal Zenica;

Ostali pozvani: Vahdet Drino, direktor BBI Banke, Poslovnica Zenica (nije se odazvao)

Na početku sastanka predsjedavajući Privrednog savjeta, gradonačelnik Fuad Kasumović, pozdravio je sve prisutne i zahvalio na dolasku.

Predsjedavajući je predložio sljedeći:

Dnevni red

1. Realizacija zaduženja sa 11. sastanka Privrednog savjeta, održanog 27.03.2018. godine.
 - a) Javni poziv za dostavu prijedloga za utopljavanje zgrada
 - b) Objava javnog poziva za postavljanje ljetnih bašti na Trgu Alije Izetbegović
2. Otvaranje ul. Muhameda Seida Serdarevića za jednosmjerni saobraćaj - Gradonačelnik
3. Projekat LIFE - regulatorna reforma na lokalnom nivou, implementiran od strane međunarodne finansijske korporacije IFC, članice Grupacije Svjetske banke, u saradnji sa ambasadam Velike Britanije - Haris Komić
4. Informacija o subvencioniranju kamatnih stopa za kratkoročna i dugoročna finansiranja u saradnji sa BBI bankom - Amra Mehmedić
5. Izvještaj o podsticajnim mjerama za Start up i MSP - Amra Mehmedić
6. Poslovna zona Zenica 1 - postavljanje vertikalne signalizacije - Senad Pašalić
7. Saradnja sa FIPA agencijom - Senad Pašalić
8. Javni poziv za podnošenje prijedloga projekata za dodjelu bespovratnih sredstava u svrhu podrške investicijama u saradnji s dijasporom u okviru projekta „Dijaspora za razvoj“ - Amra Mehmedić
9. Projekat Federalnog ministarstva razvoja, poduzetništva i obrta - Stipendiranje učenika koji se obrazuju za deficitarna zanimanja - Senad Pašalić
10. Razno

Predsjedavajući Privrednog savjeta je zamolio prisutne članove da se izjasne da li prihvataju predloženi dnevni red. Prisutni nisu imali primjedbe i dnevni red je usvojen kako je i predložen.

Predsjedavajući je zamolio gđicu Amru Mehmedić da moderira sastankom i prati dnevni red.

U daljem toku sastanka razmatrane su tačke sa dnevnog reda:

Ad. 1. Realizacija zaduženja sa prethodnih sjednica:

- a) Gđa Sabira Helvida je izvjestila prisutne da je završen javni poziv dodjele finansijskih sredstava namijenjenih sufinansiranju izrade termoizolacione fasade za objekte kolektivnog stanovanja i da je u skladu sa postavljenim kriterijima izvršen odabir kandidata.

Trenutno je faza potpisivanja ugovora sa odabranim kandidatima.

Gđica Amra Mehmedić je informisala prisutne da se na javni poziv prijavilo 20 (dvadeset) kandidata od kojih je 7 (sedam) ispunilo uslove, dok je odobreno 5 (pet) kandidata u skladu sa postavljenim kriterijima.

Gdin Mladen Perić je također iskazao zadovoljstvo objavom ovog javnog poziva, zainteresiranošću prijavljenih i što se krenulo u ovom pravcu, te je zamolio Gradonačelnika da pokuša iznaći finansijska sredstva i za preostala 2 (dva) kandidata koji su prošli proceduru, a kojima nisu odobrena sredstva. Smatra da bi time gradska uprava poslala poruku da daje punu podršku kad su u pitanju projekti i briga o utopljavanju zgrada.

Gdin Perić je još dodao da se vidi mogućnost apliciranja kod EU fondova koji prate ovu tematiku kako bi se proširile aktivnosti oko budućeg utopljavanja.

Gđica Amra Mehmedić je dodala da Grad Zenica po prvi put izdvaja sredstva za ovakvu namjenu, jer postoji potencijal zainteresiranih. Istakla je da su ograničena finansijska sredstva ograničavajući faktor da bi se uzeo u obzir veći broj zgrada za utopljavanje.

Gradonačelnik je upoznao prisutne da EBRD daje do 25% grant sredstava za ovakvu vrstu projekata, ali samo za utopljavanje objekata koji se nalaze u vlasništvu općine/grada.

Također, upoznao je prisutne da je Grad Zenica uvršten kroz EBRD Program Zelenih gradova i da će dobiti tehničku pomoć EBRD-a, kod izrade Akcionog Plana Zelenih gradova, identifikovanja prioritetnih infrastrukturnih projekata sa indikativnim investicijama i izvorima finansiranja.

Gdin Perić je napomenuo da je ranije dostavio gradskoj upravi prijedlog-projekat utopljavanja cijelog grada te naglasio da se prilikom izrade novih javnih poziva uzme u razmatranje.

Između ostalog, Gradonačelnik se zahvalio Privrednom savjetu na inicijativama koje privrednici upućuju kako putem Privrednog savjeta tako i redovnim putem prema gradskoj upravi.

O dešavanjima i stanju u JKP "Zenicatrans-prevoz putnika" d.d. Zenica, koje je neophodno za funkcionisanje života u Gradu, Gradonačelnik je upoznao Privredni savjet da je navedeno preduzeće u veoma teškoj situaciji, zbog velikih dugovanja i obaveza prema Poreznoj upravi. Kako bi se spriječilo da Porezna uprava uzme pod hipoteku ili na drugi način glavnu autobusku stanicu radi namirenja svojih

potraživanja, gradska uprava je pokrenula proceduru rješavanja svojih potraživanja koja ima po osnovu ranije dodijeljenih/pozajmljenih sredstava Zenicatransu na ime nabavke autobusa. Dalje je naveo da je u skladu sa zakonskim procedurama postignut sporazum o međusobnoj kompenzaciji.

Gradonačelnik je dopunio svoje izlaganje zabrinutošću da Zenicatrans ima velike poteškoće u obavljanju svoje djelatnosti zbog neizmirenih obaveza, amortizovanih autobusa i cjelokupne imovine i opreme koju koristi.

Gradonačelnik je upoznao prisutne da se razmatra mogućnost osnivanje nove firme od strane gradske uprave, koja će se baviti gradskim javnim prijevozom i imati uslove za podnošenje i dobijanje odgovarajućih licenci za rad.

Gdin Mladen Perić je dodao kako bi bilo dobro raspisati Javni poziv za Javno-privatno partnerstvo gdje bi i privatnici mogli da daju svoj doprinos i učešće u ovoj djelatnosti.

Smatra da je dobra ideja ukoliko ima dugoročnu viziju osiguranja sigurnijeg i kvalitetnijeg gradskog prijevoza.

Gradonačelnik je pozvao privrednike da predlože i osmisle ideje ovakvih projekata.

- b) Gđa Semira Karić je upozнала prisutne da je sve bilo završeno što se tiče izdavanja potrebnih saglasnosti i dozvola za postavljanje bašti na Trgu Alije Izetbegovića. Međutim, nije bilo prijavljenih po javnom pozivu. Konstatovala je da za ljetne bašte nije postojala zainteresiranost.

Ad.2. Otvaranje ul. Muhameda Seida Serdarevića za jednosmjerni saobraćaj

Predsjedavajući Privrednog savjeta je upoznao prisutne da inicijativa Udruženja poslodavaca Zenica o otvaranju ulice Muhameda Seida Serdarevića za jednosmjerni saobraćaj nije usvojena na sjednici Gradskog vijeća, kao i da je javnost osudila ovakav pokušaj onemogućavanja razvoja i uređenja užeg dijela grada.

Gđa Senaida Turkić je pohvalila napore za otvaranje ove ulice, međutim izrazila je zabrinutost zbog nerazumijevanja potreba privrednika i ne usvajanja predloženih inicijativa na sjednicama Gradskog vijeća.

Ad.3. Projekat LIFE - regulatorna reforma na lokalnom nivou, implementiran od strane međunarodne finansijske korporacije IFC, članice Grupacije Svjetske banke, u saradnji sa ambasadorom Velike Britanije

Gradonačelnik se ponovo zahvalio na ideji i inicijativama koje dolaze od strane privrednika putem Udruženja poslodavaca ili na drugi način, jer je na osnovu tih inicijativa Gradonačelnik razgovarao sa mnogim ambasadorima i evropskim predstavnicima o podršci za efikasniju gradsku upravu, skraćivanje procedura za potrebe privrednika, građana i sl.

Gđica Amra Mehmedić je predstavila g. Harisa Komića, glavnog konsultanta na Projektu LIFE koji se provodi u gradskoj upravi Grada Zenica.

Zatim je pojasnila dosad realizovane aktivnosti u vezi s projektom LIFE:

- 06.04.2018.godine u gradskoj upravi je održan sastanak Radne grupe od 13 (trinaest) članova na kojem su dogovoreni koraci o provedbi projekta,
- konsultanti angažovani na projektu su održali sastanak 28. i 29.05.2018.god. sa fokus grupama (korisnicima javnih usluga) u Agenciji Zeda,

- sugerisano je da se na službenoj web stranici Grada Zenica objave sve vrste podsticaja što je i učinjeno,
- 02. i 03.07.2018.god. održan je sastanak sa šefovima službi, na kojem su predloženi postupci i izmjene postojećih postupaka i administrativnih taksi.
- po okončanju procedura finalne preporuke će biti dostavljene Udruženju poslodavaca.

Gdin Haris Komić je pojasnio sam projekat koji će provoditi IFC, članica Grupacije Svjetske banke, međunarodna organizacija čija je svrha, u skladu sa Sporazumom o osnivanju među njenim državama članicama, uključiti aktivnosti kojima se potiče i pomaže u stvaranju uvjeta pogodnih za priliv privatnog kapitala, domaćeg i stranog, posebno u proizvodne investicije u državama članicama.

IFC obezbjeđuje savjetodavne usluge da bi pomogao jačanju i razvoju privatnog sektora u Bosni i Hercegovini sa posebnim fokusom u oblasti trgovine, investicija, poslovnog okruženja i konkurentnosti.

Ovaj projekat se implementira kroz globalnu praksu Trgovina i Konkurentnost Svjetske banke, praksa koja se implementira preko IFC-a i Svjetske banke.

Cilj ovog projekta je da se poboljša poslovno okruženje, podigne konkurentna prednost privrednika, implementiraju dobre prakse evropske unije, ali i uspješnih općina i gradova iz regiona.

Gdin Haris Komić je naglasio da je ovaj projekat implementiran u 19 jedinica lokalne samouprave u FBiH. Također, naglasio je da ovaj projekat ima tri ključne karakteristike:

- 1.) regulatorni dio (koji obuhvata najveći dio posla, u sklopu kojeg pravnici ispred projekta LIFE i gradske uprave rade zajedno na analizi administrativnih postupaka putem komparacije sa standardima),
- 2.) jačanje transparentnosti i
- 3.) unaprjeđenje rada sa investitorima kroz pojednostavljenje procedura za privrednike.

Gdin Haris Komić je naglasio da je cilj da se Projekat LIFE završi do kraja novembra 2018.godine, kada bi bili predstavljeni rezultati, analize, izvještaji provedbe projekta, koji ima za cilj bolji i efikasniji rad gradske uprave.

Po okončanju, javnost će biti informisana o zaključcima Projekta LIFE.

Kada su u pitanju takse koje su tema Projekta Life, gđin Mladen Perić je naglasio da je već ranije slao prijedlog rješenja, te zagovarao da se za primjer uzme općina Tešanj, kao i da komunalna naknada obuhvati i stanove, a ne samo privrednike ili da se eventualno dogovori sa svim političkim opcijama najbolje moguće rješenje.

Gđa Senaida Turkić je iznijela svoj stav da se sačeka izvještaj Projekta LIFE.

Gradonačelnik je pojasnio da pokušava na razne načine iznaći nova sredstva kako bi mogao da pokrene određene procedure za smanjenje visine iznosa taksi. Na primjer, prvo se pokušalo sa Izmjenom Odluke o komunalnim taksama gdje bi se oporezovale kladionice, te na taj način došlo do određenih prihoda u Budžetu Grada Zenica.

Zaključeno je da se sačekaju rezultati Projekta Life i predložene mjere, te na osnovu istih da se donesu odgovarajuće odluke o daljnjoj implementaciji.

Ad.4. Informacija o subvencioniranju kamatnih stopa za kratkoročna i dugoročna finansiranja u saradnji sa BBI bankom i **Ad.5.** Izvještaj o podsticajnim mjerama za Start up i MSP

Gđica Amra Mehmedić je upoznala prisutne o provedenim javnim pozivima kad je u pitanju podrška privrednom sektoru. Također je predstavila informacije o podsticajnim mjerama za Start Up i MSP provedenim kroz javne pozive objavljene 16.05.2018. i 22.05.2018.godine.

S ciljem podrške bržeg lokalnog ekonomskog razvoja, gradska uprava Grada Zenica u saradnji sa Udruženjem poslodavaca Zenica i Agencijom Zeda pokrenuli su proaktivne aktivnosti koje su obuhvatile sljedeće mjere:

1. podsticaj za osnivanje novih firmi (Start Up) i jačanje konkurentnosti MSP,
2. samozapošljavanje i zapošljavanje na teritoriji Grada Zenica,
3. subvencioniranje kamate u iznosu od 3%.

Svrha javnih poziva

Gradska uprava Grada Zenica, kao proaktivna lokalna samouprava i nosilac međunarodnog certifikata BFC SEE (povoljno poslovno okruženje) putem ovih javnih poziva podstiče dinamiku zapošljavanja i razvoj lokalne privrede, što je definisano kao strateški prioritet Strategije razvoja Grada Zenica 2012.-2022., te promociju privrede i lokalnog ekonomskog razvoja putem firmi koje posluju na teritoriji Grada Zenica.

Finansijska sredstva

Finansijska sredstva za realizaciju ovih javnih poziva osigurana su u Budžetu Grada Zenica za 2018.godinu.

Podsticajne mjere

S obzirom da je Privredni savjet na svojoj 11. sjednici održanoj 27. marta 2018.god. upoznat o pripremi i provođenju posticajnih mjera od strane gradske uprave, koje su usaglašene sa Udruženjem poslodavaca, te usvojeni finalni prijedlozi javnih poziva, Gradska uprava Grada Zenica je objavila dva javna poziva za dodjelu sredstava za podsticaj i to za:

1. Javni poziv za dodjelu sredstava za podsticaj samozapošljavanja i zapošljavanja kroz razvoj start-up projekata, **odobren iznos: 60.000,00 KM**

Dodjela podsticajnih sredstava se vrši za:

- Otvaranje obrta u iznosu do 3.000 KM;
- Otvaranje pravnog lica (d.o.o) u iznosu do 5.000,00 KM

Prednost djelatnosti;

- Proizvodne djelatnosti
- Uslužne djelatnosti

Prednost korisnici

Kod odabira korisnika podsticajnih sredstava prednost su imale mlade osobe starosti do 35 godina te lica koja se vode na evidenciji JU SZZZDK - Biro Zenica.

Sva fizička lica su bila obavezna da izrade svoj biznis plan za apliciranje na javni poziv.

Sufinansiranje samostalnih poduzetnika/početnika u biznisu ogledalo se kroz dvije mjere:

- Refundacija doprinosa za zaposlenu/samozaposlenu osobu za najviše 12 mjeseci poslovanja,
 - Subvencija troškova osnovnih i obrtnih sredstava neophodnih za obavljanje djelatnosti (kupovina mašina, alata, opreme, vozila za prevoz, stvari i drugih sredstava (polovnih ili novih) i ostali troškovi registracije.
2. Javni poziv za dodjelu sredstava za podsticaj razvoja postojećih mikro, malih i srednjih preduzeća na području Grada Zenica za 2018. godinu, **odobren iznos: 200.000,00 KM**

Ovaj javni poziv obuhvatio je **dvije prioritetne oblasti** i to:

- a) Za podsticaj razvoja postojećih mikro, malih i srednjih preduzeća na području Grada Zenica
- zapošljavanje novih radnika, odobren iznos: **100.000.00 KM**, mogućnost apliciranja za maksimalno 2 (dvije) osobe, te max. iznos po korisniku od 2.000,00 - 8000,00 KM, a ovisno o stručnoj spremi novozaposlenih
 - za povećanje produktivnosti i konkurentnosti, nabavku osnovnih sredstava i opreme, odobren iznos: 100.000.00 KM maksimalan iznos po korisniku do 5.000,00 KM, uz obavezno sufinansiranje aplikacija
- b) Za podsticaj razvoja ženskog poduzetništva, odobren iznos: 40.000,00 KM
- zapošljavanje novih radnika, mogućnost apliciranja za maksimalno 1 (jednu) osobu, te max. iznos po korisniku od 2.000,00 - 8000,00 KM, a ovisno o stručnoj spremi novozaposlenih
 - za povećanje produktivnosti i konkurentnosti, nabavku osnovnih sredstava i opreme, maksimalan iznos po korisniku do 5.000,00 KM, uz obavezno sufinansiranje aplikacija

Kod povećanja produktivnosti i konkurentnosti (MSP), korisnik je mogao dobiti maksimalno do 5.000,00 KM od investicije, a prema veličini privrednog subjekta, kako slijedi:

- mikro privredni subjekti (do 10 zaposlenih), subvencija do 50 % investicije,
- mali privredni subjekti (10-50 zaposlenih), subvencija do 35 % investicije,
- srednji privredni subjekti (50-250 zaposlenih), subvencija do 20% investicije.

Gradska uprava je odlučila dati podršku privrednim subjektima kroz subvencioniranje kamatne stope putem projekta plasiranja kredita u saradnji sa BBI bankom.

S obzirom da se na sastanku nije odazvao gđin Vahdet Drino kako bi informisao Privredni savjet o plasiranju kredita putem BBI Banke na osnovu potpisanog Ugovora sa Gradom Zenica o subvenciji kamata, gđica Amra Mehmedić, koja je ujedno i Koordinator za provođenje ove mjere, upozнала je prisutne o dosadašnjem plasiranju kredita.

Prema dostavljenom izvještaju od BBI banke, odobreno je 4 kredita u iznosu od 585.000,00 KM, dok je u obradi još 11 zahtjeva za odobravanje kredita čiji je ukupan iznos 523.000,00 KM.

Ad.6. Poslovna zona Zenica 1 - postavljanje vertikalne signalizacije i **Ad.7.** Saradnja sa FIPA agencijom

Gdin Senad Pašalić, dir. Agencije Zeda, informisao je prisutne da se radi na projektima vertikalne signalizacije u Poslovnoj zoni Zenica 1. Urađene su određene pripreme i sve ide planiranim tokom.

Naglasio je da je planirano da se uredi kompletna Poslovna zona Zenica 1, na način da se na samom ulazu u Zonu postavi zajednička tabla sa putokazima firmi, hortikultura, označe parking mjesta i dr.

Gdin Senad Pašalić informisao je prisutne da su bila objavljena 3 (tri) javna poziva za dostavljanje informacija o postojećim potencijalnim halama na području Grada Zenica koje bi mogle biti dostupne za potencijalne investitore. Po ovom pozivu, odziv je bio slab, vjerovatno iz razloga nepostojanja velikog broja takvih hala.

Dalje je informisao prisutne da je imao posjetu predstavnika Agencije FIPA-e. Predstavnici FIPA-e su upoznali g. Senada Pašalića i predstavnike Agencije Zeda o mogućnostima promovisanja potencijalnih projekata, zemljišta, zahtjeva za partnerstvima i ostalih projekata putem Agencije FIPA-e.

Predstavnici FIPA-e su dostavili standardne obrasce o potencijalima grada za popunjavanje koje bi oni putem svojih promotivnih kanala ponudili potencijalnim investitorima.

Gđa Benjamina Šaranović je također napomenula da je obavijestila sve članove Udruženja poslodavaca Zenica da dostave informacije o slobodnim halama koje bi mogle biti predmet izdavanja.

Ad.8. Javni poziv za podnošenje prijedloga projekata za dodjelu bespovratnih sredstava u svrhu podrške investicijama u saradnji s dijasporom u okviru projekta „Dijaspora za razvoj“

Gđica Amra Mehmedić je upoznala prisutne da putem ovog javnog poziva privredni subjekti mogu aplicirati na bespovratna sredstva, ostvariti investicijsku podršku u pravcu stvaranja boljih konekcija sa dijasporom, lakši pristup novim tržištima, te novom zapošljavanju u BiH. Također, gđica Amra Mehmedić je napomenula da su u dostavljenim materijalima za sjednicu dobili i Javni poziv „Dijaspora za razvoj (D4D)“, u kojem su navedene sve pojedinosti oko apliciranja.

Ad.9. Projekat Federalnog ministarstva razvoja, poduzetništva i obrta - Stipendiranje učenika koji se obrazuju za deficitarna zanimanja

U okviru ove tačke, gđin Senad Pašalić je pojasnio da se prethodnih godina provodio Projekat - stipendiranja učenika srednjih škola koji se obrazuju za deficitarna zanimanja, a nosilac projekta je Federalno ministarstvo razvoja, poduzetništva i obrta te upoznao prisutne da će se projekat nastaviti i narednih godina.

Na osnovu dobijenih informacija, zatražio je od Biroa za zapošljavanje pregled deficitarnih zanimanja, te na osnovu dobijene odluke predložio da se na jednoj od narednih sjednica Gradskog vijeća razmatra prijedlog Odluke o deficitarnim zanimanjima, s obzirom da je postojanje Odluke uslov za apliciranje učenika srednjih škola na javni poziv koji treba da bude raspisan do kraja septembra.

Ad.10. Pod tačkom razno, prisutni su se osvrnuli na neke teme, kao što je otvaranje ulica.

- Gđa Senaida Turkić je inicirala da se da pravni odgovor, imali bi određene prihode od parkinga ukoliko se otvore pojedine ulice, da je dosta praznih poslovnih prostora te radi njihovog oživljavanja, što je razlog više za otvaranje ulice.
- Predsjedavajući Privrednog savjeta je ponovio raniji stav kako čeka da se uradi idejno rješenje za Trg Alije Izetbegovića i svih pratećih objekata od džamije do Kamenog mosta i rijeke Bosna.
- Gdin Senad Pašalić je rekao da nema potrebe za otvaranjem Trga Alije Izetbegovića, jer od velike je važnosti napomenuti šta se kvalitetno nudi građanima u već postojećim ulicama, trgovima, radnjama, ističući da se treba fokusirati na kvalitet ponude i usluge.
- Gdin Jasmin Baručija je također istakao da je problem sadržaja koji se nude u centru grada i ukazao da pored stare pijace uvijek ima slobodnih parking mjesta ali da građani uglavnom koriste besplatni parking prostor pored tržnog centra Džanonović na Kamberovića polju.
- Gdin Senad Džanić je dodao da mnogi nisu bili najbolje informisani kako i na koji način mogu postaviti ljetnu baštu na Trgu Alije Izetbegovića po javnom pozivu. Pohvalio je podršku gradske uprave kad je u pitanju plaćanje zakupnine na rate te prijedlog da se objavi javni poziv gdje bi se išlo u izradu urbanog rješenja kad su u pitanju sve bašte u gradu Zenica.
- Gđa Senaida Turkić je predložila da zahtjevi za postavljanje zimskih bašti budu najkasnije do 30.08. tekuće godine. Gđa Senaida Turkić je naglasila da postoji problem i da se prijedlozi privrednika koji se predlažu putem UP Zenica ne usvajaju na Gradskom vijeću.
- Gđa Senaida Turkić je naglasila da TV Zenica treba da vrati nešto privredi kroz edukativne emisije iz biznisa i sl., obzirom da se finansiraju iz sredstava poreznih obveznika.
- Gradonačelnik je pozvao UP Zenica da se oglašavaju o pozitivnim stvarima i zamolio privrednike da nastave inicirati i predlagati ideje kad je u pitanju razvoj Grada.

Zaključak


Gradonačelnik je pozvao UP Zenica da se oglase putem medija ili na drugi način.

Senad Džanić je još naveo da se inicijativa privrednika za otvaranje ulice Muhameda Seida Serdarevića blokirala zbog eksproprijacije dvije kuće.

Zaključeno je da javne pozive treba ispratiti do kraja i vidjeti efekte i rezultate.

Sastanak Privrednog savjeta je završio s radom u 15:40 sati

Predsjedavajući Privrednog savjeta

Gradonačelnik

Fuad Kasumović

Zapisnik sačinio:

Jusuf Brkić, dipl. oec.